



Synfocity = 721

mail us at : mzsynfo@gmail.com; mizoramsynod@gmail.com - Phone - 2314648

February 21, 2019

□ Synod Executive Committee (SEC) wawi 279-na

February 19 - 21, 2019 chung hian Mizoram Presbyterian Kohhran hnuaiia Committee sang ber, Synod Executive Committee wawi 279-na chu Synod Office-a JM Lloyd Hall-ah a thu a, member 141 an kal a ni.

Meeting-ah hian member term hmanhng zo leh lut thar tur inthlakna tihfel hmasak a ni a, Inneihthir theihna kawltu, Board leh Committee danga inthlak ngaite pawh tihfel zui a ni bawk. Committee hi Synod Moderator, Rev. R. Lalhmingthanga'n a kaihruai a, Synod Secretary-in reports a pe a, Finance Reports ngaihthlak a ni bawk.

Synod Secretary Rev. R. Vanlalnghaka chuan Synod Executive Committee hmasa leh tun inkar-a thil thlang langsar zual report a pe a, Mizoram sawrkarin a sawm angin Synod Moderator, Rev. R. Lalhmingthanga chuan December 15, 2018 khan Raj Bhavan-a Mizoram sawrkar thar lakluhnaah Bible chhiar leh tawngtaina hun a hman thu te, Mizoram Synod aiawha MPF Committee-a tel turin Rev. K. Lalrinmawia, Executive Secretary leh Rev. Lalrinmawia, Kulikawn West te ruat an nih thu te, CMC Vellore leh CMC Ludhiana Council member atan Rev. B. Sangthanga, Executive Secretary ruat a nih thu te, Zosap Missionary Rev. Dr. Robert-a nupui, Mrs. Mair Roberts chu February 11, 2019 khan an chenna Wales-ah a thih thu leh February 16 khan a lawina Berea Newydd Chapel, Bangor-ah vuina inkhawm neih a nih thu te, Rev. Lianhmingthanga Sailo, Senior Executive Secretary chu PCI Working Committee member atan ruat a nih thu te, Bible Society hnuaiia North East India Translation Advisory Committee (NEITAC) member atan Rev. B. Sangthanga, Executive Secretary ruat a nih thu te, SEC hnuhnung ber leh tun inkarah Synod Relief Fund atangin Rs. 10,63,000/- sem a nih thu te chu report langsar zualte an ni.

Tun tumah hian thu ngaihthuah tur pawimawh 60 zet a awm a, chung zingah chuan KTP Inkaihhraina enthat dilna te, Vellore Mizoram House-a Staff Nurse dah rawtna te, Home Mission North-a rawngbawlna tha zawka kalpui dan rawtna te, Tunlai thiamna hmanga nau pai leh fa neih chungchang inkaihhraina tih danglam rawtna te, Synod Hospital Charity Fund puala thawhlawm thawh chungchang te, Mizo Kristian Inneihna Dan PCI-in kan hman mek hi Indian Christian Marriage Act-in a pawm tura hmalak rawtna te, Champhaia Synod Rescue Home din rawtna te, Mizoram Presbyterian Kohhran din ni January 11 urhsun taka hman rawtna te, Kut chi hrang hrang hman chungchanga thuchhuah siam thar rawtna te, Synod Sum Vawn Dan 2011 enthat rawtna te, Barak Area Enkawl Dan enthat rawtna te, NEICCYA Biennial Conference 2021 thlen dilna te, Kohhran Hmeichhe Inkhawmpui Lian Chairman leh General Secretary ruat chungchang te, Guwahati-a Vaiphei Kohhran-te enkawl zui dan tur chungchang te leh International Seminar neih dilna te chu a langsar zual an ni.

□ SEC member te leh Legislative Assembly member-ten inkawmna hun hmang

February 21, 2019 (Ningani) chawhnu dar 1 khan JM Lloyd Hall, Synod Office-ah SEC member-te leh Mizoram State Legislative Assembly Member-ten inkawmna hun an hmang.

Inkawmna programme hi Synod Moderator Rev. R. Lalhmingthanga'n a kaihruai a, Rev. Lianhmingthanga Sailo, Senior Executive Secretary-in inlawmna neiin Synod Hruaitute inhmelhriattirna a nei a, Er. Lalrinawma, Deputy Speaker hnen atangin MLA te inhmelhriattirna neih ve leh nghal a ni. Rev. R. Vanlalnghaka, Synod Secretary, Pu Zoramthanga, Chief Minister leh Pu Lalrinliana Sailo, Speaker hnen atangin thusawi ngaihthlak a ni a. Sawrkar thar tana tawngtaina Upa J. Lalhlina'n neiin Rev. Lalramliana Pachuau, Finance Officer-in lawmthu a sawi a, Rev. Lalrinawma'n malsawmnain a tin a ni. MLA te hi lawmpuina thilpek pek vek an ni bawk.

□ Education

February 14 & 15, 2019 khan PES hrang hrang tlawh leh hawnthar dilte en thlithlaiin Pu P.C Vanlalhruaia, Supervisor of Schools a kal.

Tun dinhmunah hian Synod Executive Committee-in phalna a pek tawh PES 140 an awm mek a, hawn dil thar an awm chho reng bawk. PES kan neih mek hi khawtlang leh Kohhranin an tangaikpui hle a. Zirna tha pek bakah zirlaite nun kawng dika hruai tur leh kohhran mi tha ni tura theih tawpa hmalak a ni. Kuminah hian PES hrang hrang 27 atangin zirlai 580-chuangin HSLC Exam an hmachhawn ang.

□ SL&PB

February 22 - 24, 2019 chung hian Tlabung Bial-ah Literature Seminar neih a ni dawn a, Upa H. Ronghaka, Additional Editor leh Upa R. Zolura, Committee member te an kal ang a, Pathianniah bial chhung kohhran hrang hrangah hun an hmang nghal ang.

Contd...

□ **MSSU**

◆ February 20, 2019 (Nilaini) kha MSSU Day vawi 121-na a ni a. Kohhran tirha Mizorama missionary lo kal hmasa ber Rev. D.E. Jones (Zosaphluia), August 31, 1897-a lo thleng chuan a pianchamphapak vawi 28-na, February 15, 1898 (Thawhlejni)-a hawn turin Synod Bookroom leh Synod Press inkar (Zosaphluia building awmna)-ah rap In-in sikul a sa a. Chu sikul-ah chuan February 20, 1898-ah Sunday School a neihpui a. Hei hi Synod 2003:16 na chuan Mizorama Sunday School din ñan ni-ah a pawm a ni.

Tuna MSSU dinhmun tlangpui chu hetiang hi a ni -

Thawktu zat	- 6
Sunday School zat	- 1025
Hotute	- 4,586
Zirtirtu	- 48,424

Department hrang hrang dinhmun hetiang hi a ni -

Puitling	- 2,38,155
Senior	- 29,494
Sacrament	- 11,112
Intermediate	- 20,543
Junior	- 29,379
Primary	- 28,206
Beginner	- 27,430
Masihi Sangati	- 3,640
A dangte	- 1,523
Total	- 3,89,482

◆ February 21 - 23, 2019 chung hian Zohmun Bial-ah Sunday School zirtirtu training neihpuiin Upa Lalmuanpuia, Coordinator leh trainer te - Rev. K. Zoremsanga leh Rev. Hmingdailova te an kal.

□ **Worship Deptt.**

February 22 - 24, 2019 chung hian Khawhai North Bial-ah Seminar neihpui turin Rev. J. Vanlalhnuna, Upa D.P Biakkhuma leh Rev. H. Remthanga te an kal ang.

□ **Synod Revival**

February 12 - 16, 2019 chung khan Synod Revival Camping Centre, Neibawihah Camping neih a ni a, Speaker Pu Lalremruata, Living Hope Ministry Team a ni. Camp-a lut zawng zawng hi mipa 120 leh hmeichhia 13, an vaiin 133 an ni a, Camp-ah hian kohhran hrang hrang leh veng hrang hrang 37 añangin an lut a ni. Camp chungna mawhphurhna hrang hrang hi Ramhlun Vengthar Pastor Bial ten an buaipui a ni.

□ **Synod Relief Fund**

Tun hnaia harsatna hrang hrang neite hnenah Synod Relief Fund añangin chhawmdawlna hetiang hian pek an ni.

S.No	Khua	Pek chhan	Chhungkaw zat	Chhawmdawlna pek zat
1.	Phainuam	Kangmei tuar	2	Rs. 16,000/-
2.	Tualpui	Kangmei tuar	1	Rs. 10,000/-
			TOTAL	Rs.26,000/-

□ **Hruaina Eng TV Programme**

Susamachar Prasaran Programme

◆ **FEBRUARY 24, 2019 (Pathianni) 5:00 pm. :**

Group/Choir/Solo : Lunglei Area Masihi Sangati - Yisu lio tera nam

Group/Choir/Solo : Champhai Vengthlang Pastor Bial - Hamara Kal

Sermon : Lalhmingthanga

Group/Choir/Solo : Himali Kohhran Zaipawl - Isu Mash tere Jeisa Koi Nahi

Group/Choir/Solo : The Leprosy Mission Choir - Ham Soup Te He

◆ **FEBRUARY 24, 2019 (Tv Programme) @ 4:00 - 6:00, 8:00 - 9:00 p.m) :**

Weekly Round Up

Sermon : Rev. Sairengpuia - Mizote hi fa hring tura koh kan ni

Cambodia Pastor-te

□ **Moderator Programme**

February 22, 2019 Zirtawpni Keitum Centenary hmanpui

Synod Social Front Helpline: **9089777129**;

Tuai & Patil Helpline : **8729800130**;

Students' Helpline : **9856883377**

WWW.MIZORAMSYNOD.ORG

Synod Information & Publicity
Phone - 2314648

Synfo